



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46
Rune Johan Mikkelsen, 55 57 21 81

Vår dato
3.7.2013
Dykkar dato

Vår referanse
2013/8241 433.2
Dykkar referanse

Johannes Gjerstad
Gjerstad
5282 Lonevåg

Løyve til utsetting av utanlandske treslag til juletreproduksjon

Johannes Gjerstad får løyve på bestemte vilkår til utsetting av utanlandske treslag på gnr. 29 bnr. 9 i Ullensvang herad.

Vi viser til søknaden journalført hjå oss 1. juli 2013 om utsetting av utanlandske treslag til juletreproduksjon på gnr. 29 bnr. 9 i Osterøy kommune. Søknaden er vurdert i samarbeid mellom Fylkesmannen sin miljøvern- og klimaavdeling og landbruksavdelinga.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag og mengd

Det er søkt om å plante ut til saman 5000 tre kvart år i ti år av følgjande treslag:

Norsk namn	Vitskapeleg namn	Svartelistestatus
Fjelledelgran	<i>Abies lasiocarpa</i>	Lav risiko
Fraseredelgran	<i>Abies fraseri</i>	Ikkje omtalt
Nordmannsedelgran	<i>Abies nordmanniana</i>	Vil ikkje reprodusere i norsk natur neste 50 år
Serbergran	<i>Picea omorika</i>	Ingen kjent risiko

Vurderingane i tabellen over stammar frå Artsdatabanken sin kunnskapsstatus om framande artar i Noreg¹. Med unntak av fraseredelgran, som ikkje er omtalt i det heile, er det ikkje knytt særleg risiko til desse treslaga. Spreiingsfare blir handtert gjennom vilkår om hogging før trea set frø.

Utsettingsområdet

Utsettingsområdet ligg på Gjerstad, eit par kilometer søraust for Lonevåg i Osterøy kommune. Søkjar opplyser at området er edellauvskog som tidlegare er rydda til beite. Det er allereie etablert juletreproduksjon i alle felta som er avteikna i kartvedlegget, som utgjer til saman om lag 80 dekar.

¹ Gederaas, L., Moen, T.L., Skjelseth, S. og Larsen, L.-K. (red.) 2012. *Fremmede arter i Norge – med norsk svarteliste 2012*. Artsdatabanken, Trondheim.

I Naturbase² og Artskart³ er det ikkje registrert spesielle miljøverdiar som krev omsyn i sakshandsaminga. Dette inkluderer naturtypar frå naturtypekartlegging i heradet, utvalde naturtypar, raudlista naturtypar, raudlista artar, verneområde og MiS-figurar⁴.

Vurdering

Det er ikkje registrert spesielle miljøverdiar som krev særskilt omsyn i sakshandsaminga, og utsettingsområdet er allereie etablerte juletreffelt. Ingen av treslaga er svartelista og det blir sett vilkår om at trea skal hoggast før dei set frø. Vår vurdering er at saka er godt nok opplyst til å fatte eit vedtak jf. kravet til kunnskapsgrunnlaget og føre-var-prinsippet i naturmangfaldlova §§ 8 og 9. Vi kan ikkje sjå at produksjon av juletre på desse felta vil medføre uheldige følgjer for naturmangfaldet.

Sidan det allereie er etablert juletreproduksjon i området og det ikkje er registrert spesielle miljøverdiar her er vår vurdering at juletreproduksjon på desse areala i liten grad vil belaste naturmangfaldet utover det som er tilfellet i dag, jf. naturmangfaldlova § 10 om økosystemtilnærming og samla belastning.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gjev dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Vedtak

Johannes Gjerstad får løyve til å sette ut til saman 5000 av følgjande treslag kvart år i perioden 2013 t.o.m. 2022. på gnr. 29 bnr. 9 i Osterøy kommune: fjelledelgran (*Abies lasiocarpa*), fraseredelgran (*Abies fraserii*), nordmannsedelgran (*Abies nordmanniana*) og serbergran (*Picea omorika*). Følgjande vilkår er knytt til løyvet:

- Løyvet gjeld for dei avteikna områda i kartvedlegget.
- Trea må hoggast før dei set frø.
- Rutinar for å sikre hogst før frøsetting må verte etablerte, og dokumentasjon på dette må visast fram ved eventuelle tilsyn.
- Dette dokumentet må gjerast kjend og overført til ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

NB!

Eit løyve gitt etter forskrift om utsetting av utanlandske treslag til skogbruksformål gir ikkje automatisk omdisponering av jorda til skogproduksjon. Der dette er påkravd må omdisponeringssøknad rettast til kommunen.

² <http://innsyn.naturbase.no> (3.7.2013)

³ <http://www.artsdatabanken.no> (3.7.2013)

⁴ Miljøregistreringar i skog – standard for registrering av miljøverdiar som er nytta i skogbruket

Klageadgang

Vedtaket kan påklagast innan tre veker, jf. forvaltningslova §§ 28 og 29. Klaga skal stilast til Miljødirektoratet, men sendast til Fylkesmannen i Hordaland, jf. forvaltningslova § 32.

Med helsing

Stein Byrkjeland e.f.
Seksjonsleiar

Jørgen Aarø
rådgjevar

Brevet er godkjent elektronisk og har derfor inga underskrift.

Kopi

Osterøy kommune, Hatland, 5282 Lonevåg
Miljødirektoratet, Postboks 5672, Sluppen, 7485 Trondheim
WWF
SABIMA